

南  
屏  
山  
人  
集

南屏山人集序

若夫酒不孤斟杜老作一尊之想文期共賞微  
之將百軸之篇隋珠和璧之珍豈有陳思妄歎  
火布冰蠶之幻寧無鄭谷能窺是則邂逅巨緣  
即成宿世羈游懌藉還使良朋况乃授以蕭朱  
通家孔李鳳觜麟角本有同情學海文山曾無  
異脈者哉是編也陰何賦手裁露一斑徐庾問  
風已標大致趨遶蜀棧再拜啼鵲鼓櫂秦淮微  
吟織女嚴裝少暇興自託於青箱舞綵餘閒妙

多傳於黃絹大抵堅凝結體則城亘五言綺麗  
緣情則珠明七顆有文有質還相為經為健為  
鮮合之則美信軼群之雋格抑拔俗之清才傑  
壯歲無成六年于役美人芳草遲暮何言春水  
綠波離憂未已聊拋磚以引玉遽一釣而連鰲  
洗我蓬心多君藻思譬猶師消按瑟元霍為之  
高翔伯子鼓琴駟馬從而仰秣重拈柔翰直如  
病骨逢蝦蟇并以荒言何異佛頭著穢飲貪文字  
異捧席以長年學共淵源志異聞于此日雍正

乙卯夏六月十有三日世弟陳垣崙

夫性情之用可以無所不宣而事必有以相發  
苟吾所與遇眇焉泊焉無以鼓其中而導其志  
雖所藏之甚深不能使動也非情或隱而不具  
也居一室者無以論四海之廣守一市者無以  
語奇贏之閎若夫五都而觀之九區而馳之氣  
恢視宏耳目加豁雖欲求其意志之母溢語言  
之不倍增而高不可得也今夫雍冀天下之首  
而蜀宇宙之絕險也其山川太行并陘終南武

功劍門邛崃峨嵋黃河江流漢川渭涇灞滻天  
下鉅偉之觀而怪竒之域也其人戰國西京曾  
劉氏之割據英雄之餘事案然以不滅也方主  
父稱使者入視秦秦趙會于澠池相如引璧睨  
秦王合竒謀焉漢世都關中其城郭宮室苑囿  
包南山抵回中已無有存者且陳倉子午衛路  
懸阻諸葛孔明數出師其間以與中國抗過其  
地撫其山川以吊其人事可為壯哉然則概乎  
其情誠有以相發而不能止而振之乎鮮播之

乎聲雖不期進而愈工亦不可得也南屏山人  
詩瓌瑋殊麗自歷燕趙秦蜀與後先之作皆在  
焉余讀而好之知夫所及之遠而所得乃愈多  
也因是以書其意山陰胡天游琴手

昔者孝標述序先明六觀子顯摘文略陳三體  
所以鏡詮神理甄藻形聲蓋風詩接響於古今  
而吟製或殊其得失故知以興間發必合乎宮  
商賦詠偶成茗芬乎蘅芷非居才智海挹水皆  
瑤擘手慧雲無花不綺何以吐潘含左轢鮑凌

江稱詩首於翰林翹文棟於平原者也念齋世  
兄有骨疑仙通懷照雅本夷昇之家世秀希逸  
之篇章妙灑珠毫貧雕玉楮謝宣城發端工妙  
霞滿澄江柳吳興屬韻高疎雲飛隴首況以山  
川路迤鹵北天長征人則從此據鞍才子則更  
須懷古劉越石之清笳絕塞騎馬經過王仲宣  
之灞岸長安停車眺悵星來巴蜀州認三刀人  
憶齊梁城登六代固已卷堆杆軸麗溢騰箱及  
夫紅藥朝看銅池晝入枝萬年而風暖鐘長樂

以春深益盛瓌文愈昌新體魚油龍縠頌孝穆  
以何多璇室璫臺擬子山而對矗結珊瑚之網  
驚洲上於千林吐琅玕之花迷人間於四照足  
使隱侯頃日爭成湍壁之書記室今朝彌貴升  
堂之品乾隆己未嘉平天台弟齊召南拜謨



南屏山人集

目錄

卷一

古今體詩六十一首

卷二

古今體詩八十首

卷三

古今體詩八十首

卷四

古今體詩六十六首

卷五

古今體詩六十三首

卷六

古今體詩七十三首

卷七

古今體詩五十四首

卷八

古今體詩五十六首

卷九

古今體詩七十首

卷十

古今體詩七十八首

賦

古今體賦十六首

南屏山人詩集卷一

溧陽任端書念齋

固關

重關原設險蒼莽勢偏雄  
燕趙平分處山河一線通  
馬嘶斜日白人倚戍樓  
紅行客兼懷古蕭蕭起朔風

井陘

曾聞形勢控邯鄲  
絕險朝來度馬鞭  
千里太行通紫塞  
八陘秋色報晴天  
真看方軌難成陣  
空

感竒謀話昔年為問英雄俱寂莫依微殘照下  
寒烟

平定道中喜值陳璣先即邀同行

驛路催征客何期見故人拂衣俱一笑攜手倍  
相親危棧方孤往名山得共論西南天外險同  
指劍門春

華山

千仞何由到上方削成遙對影幢、晴光直起  
仙人掌翠色全開玉女窓峰擬蓮花雲外見臺

留蕭史月中雙牀卿他日相尋處會借天颺意  
未降

華陰廟

巨靈分二華大道得神元  
號識金天古祠連白  
帝尊柱棋森盡壁松柏擁雲門不盡瞻霖雨蒼  
生屬普存

潼關

天險控神州重關據上游  
勢排千嶂起聲撼大  
河流三晉平時在中原  
入望收霸圖今不見煙

樹自春秋

驪山溫泉

今古驪山路仍流  
礪石湯溶溶輕泛玉冉冉細  
含香春色華清老閒愁白日長  
蓮花空繞砌不見浴鴛鴦

秦中咏古四首

天造北斗挂層城  
陸海神臯壯舊京  
帝自何年翦鷄首  
人從中夜聽簫聲  
黃蛇夢後川原古  
寶雉飛殘伯氣平  
乘傳棄襦今日客  
不須關吏報

鷄鳴

二

樓下風高五丈旗咸陽宮殿鬱崔嵬九州虎視  
憑相索六國鷄連歎總非何日魚燈沈地市早  
時龍劍發天機九泥誰為封函谷三戶占成紫  
焰飛

三

通天百尺起高臺武帝甘泉拜祀迴金掌月華  
和露冷珠簾風細少人開空聞赤伏留餘讖何



事青禽更不來  
歲歲昆明池水綠  
竹宮羅薦長秋苔

四

曲江臺榭繞玲瓏  
太乙終南對紫峰  
青鳥紅巾人似玉  
玳檐金燭馬如龍  
春歸依舊離亭柳  
劫換難銷遠寺鐘  
莫向城南問韋杜  
斷烟芳草自重重

馬嵬坡

繡嶺峰前繡額宮  
華清行殿閟青松  
年年山色

還如許歲歲春心自不同君不見開元天子重  
瞳子手翦素條風電起潞州別駕真雄豪塞春  
遠映虬鬚紫花萼樓連勤政樓氣包山海富春  
秋濟時宰相得姚宗諫卓頃刻來韓休二十年  
中太平事家家疲戶無人閑遠臨元菟極朱鷺  
萬里烟雲朝日麗曲江歸去逐清風傳道哥奴  
作相公不見封章來殿上漸教行樂向宮中宮  
中粉黛爭妍媚掩面金牀傷武惠一夜新歌得  
寶歌楊花飄蕩多情思楊柳河邊百丈枝長條

飛雪暖相吹三春慣有纏綿約千里偏憐簾簌  
時纏綿簾簌無窮已昨日迎來壽王邸淚結絳  
冰乍未乾豔羞華月今方始華月盈日照滿宮  
新恩新寵萬千重殿中牛女星常會被底鴛鴦  
雨自濃牽牛織女天河渡姊妹朝朝好相過五  
家甲第入青雲竝馬朝迴光滿路條脫高麗琢  
玉殷霓裳舞罷酒初酣杪邏琵琶傳弟子教成  
謠吹勝邯鄲邯鄲弟子秋千索登塲賀老黃繡  
綽念奴年少永新嬌九天絃管風吹落藹藹紅

塵驛騎忙梨園樂府荔枝香沈香亭北生微笑  
內苑花開日正長金鷄步障明駝使千里漁陽  
不時至本是黃虬欲噬人睥盬洗出長牙利輦  
鼓三通去不還那無壯士守潼關倉皇綠野扶  
風道零落才人謝阿蠻梳頭未著珠翹正走馬  
宮門魂不定萬騎奔騰遮六軍梨花淚雨東風  
送閣道秋來輦路經一聲聲恨雨淋鈴歡娛曾  
憶當時夢惟有千峰黛色青鈿盒金釵收不得  
玉環敲斷沉消息香囊綉襪枉傳看錦章年々

怨行客落日荒煙過馬嵬至今墳土凝胭脂坡  
前楊柳添惆悵不見連雲暖絮飛

寶鷄苦雪

雪暗秦畋路雲連漢時平河橋愁馬度山店少  
鷄鳴陶絮偏侵冷飛花未放晴誰能理吟興時  
貰酒杯傾

漢中喜晴

千山南鄭路霽雪喜今朝弄曙聞啼鳥穿林見  
野樵明看峰影出輕覺馬蹄遙蜀道爰知近青

帘著露挑

劍閣

漫言長劍倚崆峒真見千峰截碧空  
北向至今看石角左擔何處覓蠶叢  
金牛地古山初拔飛鳥行邊路始通  
惆悵當關一夫在興亡多少夕陽中

山店

寂寞山邨一兩家風帘斜映野棠花  
黃茆屋底新泥壁小醉堪停白鼻騮

沔縣武侯石琴

白石琴誰琢傳聞自武侯居人寶遺物懷古對  
高秋竒調應難續餘音悵不留還隨祠廟永長  
此照鹵州

阜角舖除夕

懷人更懷土除夕在殊方風雪催年易山川笑  
客忙驛燈明夜半村酒試新嘗稍喜成都近梅  
花破早香

喜望成都

崑崙雲棧過千盤直下刀州向錦官猿鳥風光  
隨西旆鶯花時節解銀鞍層城高轉江流合沃  
埜初平地勢寬聞道箭賢有遺宅應知頻得往  
來看

春日遊草堂杜工部故宅五首

萬里橋西路東風似舊時詩篇從昔少名氏至  
今垂騎馬來相問懷人意獨遲遙上城郭外桃  
李徧繁枝

二



杜公遺宅在吾得及春遊風雨憐茅屋滄浪想  
釣舟醉歌身獨老卜築地偏幽徙倚林塘晚何  
須桂樹留

三

百花潭水上漾漾淨玻璃開鎖嘗園果分籤記  
藥畦無心雲自卷隨意澗俱迷不盡他年興悠  
然杖獨攜

四

碑題負外里宅入梵王宮過客瞻遺像斯文見

古風竹深間雀語梅暖綴苔紅杯酒誰能荐江  
籬正滿叢

五

微官依幕府白首盛風騷隱倚立亭好堂隣卜  
肆高千林吟檻木三徑對蓬蒿勝地應常到時  
時買濁醪

賦得錦江春色

錦城如錦覆春雲錦水平流織綺紋明月千峰  
下神女芙蓉雙臉妬文君荔枝樓上彈箏曲鸚

鵲遙前舞柘裼  
更風流妮人處  
小桃花繞薛  
濤墳

訪嚴君平卜肆

漢代嚴夫子  
垂簾寄隱情  
大游忘歲月  
高蹈自  
聲名卜肆人  
間識遺風  
物外清  
方同谷口者  
千載說躬耕

晚步

曉色來高閣  
客懷閒  
若何嵐光清  
引興郊听遠  
相過林杪分  
殘照溪流帶  
浴鵞詩情  
愜幽意歸

去影婆娑

三月三日浣花溪上作

蜀江春浪波添肥  
錦浦橋邊草色齊  
流水鈿車寒食節  
玉沙紅舫浣花溪  
香光媚日晴偏好  
冶思牽雲暖欲低  
不見當年杜陵客  
金樽檀板為誰攜

萬里橋

橋影七星連成時  
憶漢年馬驕臨古渡  
虹卧抱春煙  
萬里通秦堠  
嘉名麗蜀天  
益州誰作記  
故

事李膺傳

賦得西蜀櫻桃

櫻桃四月蠻方熟顏色同分漢苑珍  
瑞露凍來凝不散水晶紅透碾初勻  
枝頭葉底憐幽鳥筠籠柴扉憶野人  
正是江南風物好玉盤千顆壓銀鱗

古劍行

古劍錚錚響彈指攜來知向豐城底  
繞身疑是一雙龍開匣先看三尺水  
神光炯洞照碧霄顏

色擬似青瓊瑤刺鐘截鐵何足論快利直欲吹  
秋毫揮霍縱橫凌紫電依約天星眼中見芙蓉  
清水爛生輝鸞尾穗風別開面不將名字鬪魚  
腸自有精靈敵宵練鷗鷺之膏雖復多未待赤  
土相頻磨千年尚繡五花碧入手一日三摩挲  
蚤年未曾師劍俠空對長蛟怒鱗甲莊生縵胡  
非爾儔薛燭來觀氣騰颯屈之解作繞指柔伸  
之勁動勝吳鉤製為夫撓翦羨錦寶以千金藉  
為枕有時慷慨拔取者起舞樽前伴豪飲君不

見鍰如蓮花天下奇又不見桃花之馬追風嘶  
據鞍佩劍輕萬里丈夫本有凌雲姿相傾意氣  
便解贈烈士知是吳要離

嘉定喜黃石濤至

花笈卜紅燈人來報夙興琴書初入峽官舍共  
含冰正許持杯數猶欣對榻仍吳船雖萬里無  
事客愁增

雨

峽氣晚氤氲江風送曉雲遠隨仙袂舉高洒石

犀群檐影時相亂  
灘聲夜共聞  
漏天遙不斷  
知為洗炎氛

### 太白亭

謫仙人去幾經秋  
突兀高亭此尚留  
蜀道風烟長似管  
峨眉山月迥添愁  
虛憐作賦承明主  
為想騎鯨過十洲  
安得金龜仍換酒  
賀公千載共來游

叙州陳叅戎于望江樓置酒設樂即席  
有贈並呈王使君錢明府二首



畫棟江樓敞山城粉堞高天遙靜輦鼓秋色壯  
旌旄上客停金絡將軍置玉醪不愁傾八斗先  
醉似山濤

二

妙舞凌風急華筵傍水涼月隨簾箔卷雲送管  
絃長刺史光銀綬清溪近笛林還應共仙令詩  
句咏楓香

月下憶位思舍弟

一夕西塘夢迢迢憶惠連經年行蜀道萬里望

吳天人與秋俱瘦  
愁將月共圓  
清輝照無寐  
遲步曲欄前

### 楚寺

野寺滄江外  
孤邨白水隈  
閉門聞落葉  
靜院覺無僧  
散策來初地  
安禪問寶燈  
坐憐苔石好  
經歲碧痕凝

### 舟次重慶

如馬曾聞灩澦堆  
汴流千里剉來遲  
蜀中門戶爭巖地  
楚國風煙悵望時  
城郭青山圍橘柚  
帆

檣白雨亂島鷗錦官一夕堪乘興未覺羈懷係  
所思

不語灘

打槳瞿塘岼歌帆不語灘稀聞估客樂惟聽水  
聲寒舟子遙相戒攤錢畏急湍渭南留記處洲  
嶼幾回看

夔州懷古二首

亂山深處鎖孤城宇宙清秋尚鬱蒸見說蜀王  
成杜宇早看秦火接夷陵虎牙天險憑關隘魚

復江流感廢興今日俞矛歌漢德片帆安穩浪  
紋層

二

平時夔子初分國後日公孫始作家白帝春殊  
迷草樹黃牛朝暮起煙霞啼猿路絕人居少飛  
鳥沙平陣氣斜間倚江船論遘事長年高唱上  
三巴

禹廟

停舟尋禹廟檣柏蒼山空石馬迷歲月玉座莓

唐虞集  
十三  
蒼龍蛇走盡  
壁雲氣森青紅  
侍臣左右列儼  
若肅且誰尚  
想治水初疏鑿  
繼黃熊一朝經  
營畢四海歌會  
同明德徧宇宙  
餘跡留巴東峽  
岸高亭亭峽水  
飛重江豚吹白  
浪冷日搖丹楓  
過客各再拜千  
載思神功

馬伏波祠

伏波遺廟枕空山  
何恨精靈去不還  
一夕明珠來海外  
千年銅柱在人間  
功名自合高諸將  
伏臘仍看走百蠻  
長笛臨風想遺曲  
武溪南下水

潺湲

神女廟

瑤姬長恨黛蛾羞  
縹緲峰前十二樓  
應別上元臨絳水  
不隨湘姊住芳洲  
雨雲魂夢曾無著  
詞賦高唐會久留  
玉蘚明璫鎖羅幕  
烟扉藹藹蕙花秌

江瀆廟

南紀開巫峽  
滄波萬里通  
旌幢朝水府  
雲霧閼  
霸宮風晚神鴉集  
霜深古柏紅  
長檣紛估客  
歌

舞歲時同

峽中

峽水丁東碧玉流，峽霞魚尾幾曾收。  
玲瓏翠黛交相寫，蕩泊煙暉不許愁。  
帆影暗侵紅樹過，猿啼時引畫船留。  
那能喚取丹青手，重與題詩作卧遊。

八陣圖

江聲流不盡，八陣尚遺名。  
天意三分業，人傷萬古情。  
魚龍寒夜氣，沙石聚朝營。  
無復桓公識，臨

風感慨生

明妃曲

子規啼破楚山雲江入歸州楚水分  
女嬃廟外香楓古遙望明妃有舊村  
明妃窈窕人間少天遣多情顏色好  
峽中明月與明星宛宛亭亭相對曉  
畫了蛾眉梳髻鴉間隨隣女浣輕紗  
九州春色無歸處總上春峰兩道斜  
章華游冶曾相語縱有千金不敢娶  
知是昭陽絕代人一世銷魂肯心許  
由來傾國復傾城玉魄含秋照殿清



水蘭舟送鴛鴦渡斑竹岡迷鴟鵂聲沉沉宮漏  
青天遠簾影西風生桂館本言漢主惜娉婷何  
意嬋娟空晚晚逸儀環豔勝仙姿顧影珊珊獨  
立時嬉好遙見還成泣玉輦迢迢更不知安陵  
下杜無佳手買取黃金亦何有況是丹青貌不  
成西園空使毛延壽一別蕭關向紫臺塞霜無  
數作花開玉顏拚向龍遶老紅紛全消盡角哀  
佳人自憐恐憔悴慷慨遙知多意氣成名不惜  
嫁呼韓天子當前空拊髀江水東流洗玉沙昭

君村畔兩三家至今芳草連青塚洲上萋萋怨  
琵琶

九日重過草堂二首

蜀門逢令節吳客擘荷裳晴色開重九秋風過  
草堂重來溪路熟徑入竹林長落帽後人說高  
吟底事妨

二

白雁霜前少青楓岸却迴因思菊花發仍喚酒  
杯來坐席休煩捉歌聲莫為催殷勤覓壻砌細

蕊幾叢開

古今集

十六

聞黃石濤言梁溪之勝

東坡陽羨欲求田桑苧江東憶棹船吳下尚傳  
風似晉陵尤說地如仙六朝松老吹晴雪半  
畝茶香煮惠泉鄉里舊看雙井在卜居應得此  
山川

琴臺

長卿端蜀浚暇日坐彈琴蕭散凌雲作淒迷綠  
綺音堦平荒草合人去暮雲深諫獵生平事傳

看獨至今

文君井

試引鳳皇琴當壚值晚春  
空臨擣衣石初比織  
縑人舊井銀瓶沒芳訶  
錦字新遙憐持素綆曾  
照遠山顰

雅州送陸高千還成都

駝竿西南道路長朝朝風雨隔三梁  
人還錦水隨秋色歌斷斑駁送陸郎  
雲外青猿啼月白山前金鷄語花香  
異鄉良晤應相待莫惜臨期醉

玉觴

九折坂

熨道烏龍絕岼隈千層迴複度卽唼休言坂似  
羊腸險曾見王尊叱馭來

大相額值雪

絕嶺參天上馬蹄墨雲平帶朔風飛千條寒溜  
先愁凍一尺狂花欲打圍漸滿高空歸鳥斷回  
看迥野去人稀荆關畫裏身行處沒帽穿林冷  
客衣

武侯祠

丞相南征後滇池絕域通  
虫沙迷故壘歲月壯  
神宮瘴嶺火雲歇蠻村蕉荔紅  
千年瀘水上松柏起霜風

渡瀘

渡瀘非五月邠復跼飛鳶毒減霜前漲  
湍清曉放船啼猿深樹老荒岬野雲連  
南國少搖落蠻哥生遠煙

曬經石

誰將秦景問曇花白馬來隨塞水斜一片蒼苔  
裂風雨至今猶似霞  
筆毫

觀女士司舞劍器

君不見繡旗金戟洗夫人騎馬高涼照海雲又  
不見弓刀震挽秦良玉雁塞榆關春草綠蠻江  
如畫嶺如眉幻出娉婷轉自奇銀鱗刻印從來  
佩花鳳嘶袍向小披花袍銀印倚春風雲寫精  
神玉寫容本是將軍臨細柳誰言秋水出芙蓉  
金盤邀客喧銅鼓慷慨當筵誇劍舞結束飛裙

猩血紅環穿窄袖軍粧古倒披霞幅錦鷄翎雙  
映雲樓孔翠屏蠻靴淺踏瓊瑜紫寶匣橫抽玳  
瑁青寒氣森森飛素練初看旋騰起流電低昂  
宛轉抑復揚風攪霜天雪成片激張頓挫漸入  
神翻身勢險尤驚人群龍冉冉翔白帝大江浩  
浩流青春意態雄妍無比偶弟子公孫亦何有  
舞時皓腕生輕風舞罷珠璫漾南斗帳下蠻刀  
百隊多白猿愁向越溪過吳生血手張顛草更  
惜當年不見何



南屏山人詩集卷二

溧陽任端書念齋

白沙溝

竹箐陰深峒戶分夕陽時節嘯猿群  
白沙溝外行人少一樹蠻花罨瘴雲

灩沽峽

灩沽深峽鎖煙扉黛嶂瑤沚倚碧梯  
嬌鳥有情當客喚好花隨處白人迷  
雲和幽樹催詩筆錦笺芳沙送馬蹄  
風景蠻溪更清絕不知身在蜀

天西

微雪初晴射

鳳勁盤雕候  
天空一雁斜  
長旌懸細柳  
飛羽帶輕花  
人聚看金埒  
驄驄碎玉沙  
翻思灞陵獵  
蹄路聽鳴笳

月下登樓望海

盡捲珠簾接太清  
月華如水好涼生  
相望海上三神島  
極目人間白玉京  
鯨背幾回春浪濶  
鱗堂遙共夜珠明  
便因羽翰思歸去  
彷彿天邊鸞

瑟聲

海棠關

關路荒村繞  
居人畫掩扉  
馬隨南徼遠  
雁共北書稀  
山厠驕賓布  
文禽織綺圍  
惜無春雪句  
留與繡弓衣

人日得友思舍弟書

思發花前日  
遙欣得汝書  
錦江春水暖  
真見一雙魚  
乍可成懽笑  
端令破索居  
登高看雲地  
相望轉躊躇

紅鸚鵡次趙明府韵二首

天邊朱鳥應分種丹穴文禽別樣奇光連珠簾  
懸架處映朱朝日上窓時絳雲宮裏驕神羽瓊  
蕊闌前想豔儀一賜緋衣倍珍重隴山歸去獨  
教遲

二

開籠誰記雪衣娘文彩新看照座光對語烟中  
披焰氣倒窺花底度紅裳為分玉粒心應惜試  
啄金桃影共翔解識仙姿異凡鳥殷勤相喚武

將郎

雨後偕黃石濤陸高千陳璣先飲梅花

下

瀟瀟巫峽雨輕入好花枝冷蘊紅偷注疎香淡  
未吹已憐清照影兼與細催詩一取郢筒醉何  
愁倒接羅

浣花溪問柳

武昌城外灞橋東  
舊憶靈和對永豐  
何事妮愁  
溪水上不傳幽恨  
笛聲中照來芳影  
金塘淺扶

起春眠曉月空黃四娘家知最近慣垂帘帶倚  
微風

送祝功詔還清江

今日看雲地同懷入蜀年還憑錦江水相送孝  
廉船猿峽三聲過烏樯萬里邊東湖徐穉宅到  
日柳如煙

探花詞十首

沙頭晴色早相互錦里風光似舊時百舌五更  
啼不住已知消息到花枝

二

春水春雲日日生  
巫山巫峽夢中行  
分明金雁橋頭過  
花底斷猿時一聲

三

給事庄西草帶烟  
百花潭上柳搓綿  
未朝相約看花伴  
寒食才過上巳前

四

雨來紅濕錦官城  
細語東風報早鶯  
莫惜春泥衝步屨  
山村孤處小桤明

五

何處尋花意欲迷  
子雲亭畔草堂西  
板橋一迳隨流水  
已有飛香上馬蹄

六

一春無事為花忙  
嚼蕊吹芳慣斷腸  
閑趁游蜂繞田  
到果園坊與碧雞坊

七

聞道城內萬里橋  
千林霞影破晴宵  
不待藉艸成微醉  
卧聽紅樓白玉簫



八

桃李芳時日易斜  
江邊仍發海桐花  
祗愁到處  
看難徧更問東鄰賣酒家

九

南埭西溪露蕊重  
畱連休報午時鐘  
山前石鏡  
迷顏色應著新香滿鬢濃

十

喚人嬌鳥不知休  
莫負花時事冶遊  
料理未勝  
狂思在霏霏一樹近高樓

署中送春

蕭蕭官舍冷于秋零落春心不可收似水流時  
天共遠連雲歸處影難留莫愁一去空三月待  
得重來徧九州相送未應離恨在清陰千里獨  
登樓

聞蠻女和歌二首

相憐咿啞不勝情試比巴歛豔更清溪外行人  
初聽謠聲穀全似竹枝聲

蠻娘紅幅錦裙斜  
嬌唱東風採葛花  
一片春山無數曲  
鷓鴣聲裏客思家

雨後同黃石濤過草堂二首

為有詩人約重尋  
舊草堂濕雲低度  
頻細水曲通墻  
老樹溪邊得殘碑  
剝外荒入門幽徑  
熟隨意過林塘

二

細路緣梅入孤亭  
倚水開暗香依檻  
落疎影拂簾來浴  
鷺窺衣桁跳魚濺  
石苔平生棲隱興  
坐

對轉幽哉

賦得輕紅擘荔枝

五月黃梅雨薰風熟荔枝朝霞酣淺色輕雪貯  
豐肌著手分囊脆含香得味奇不論三百顆高  
樹正垂垂

洋果花

已憐佳果憶頻波更奈穠芳照眼何豔綴明霞  
千萼小香籠酣雪一春多微涼庭院清于水淡  
粉容華淺映羅細簇輕攢上花髻正宜嬌伴遠

山蛾

武侯廟

丞相祠堂古風霜讀舊銘君臣終一德天地正  
炎靈淡薄隆中卧淒涼渭上星出師餘恨在點  
點蜀山青

古松

風雨鎖孤根蒼蒼百尺身石寒疑抱節龍蛻欲  
銷鱗數粒洪涯飯餘枝白雀春種時誰得見惟  
有上皇人

青驄行

青驄玉勒游韁紫瘦竹攢攢卓雙耳嘶和曉月  
近霜風行帶春煙躍溪水駿姿不數拳毛騮錦  
雲爛熳披五花騎來坊底尚書宅看向城東京  
兆家桂條名字空相羨誰貴紅陽逐飛燕被得  
金鞍照路光南陌花枝畫如練花枝遙入鳳城  
關桓典朝迴下柏臺人傳馭裏工行步爭避青  
驄御史來

江邨晚泊

湍目花飛急江邨一望通白雲遙浦外紅豔夕  
陽中額樹喧歸鳥溪烟逐晚風扁舟沙上泊新  
月起橋東

登峨嵋

大峨橫掃翠空浮絕頂凌雲得勝遊岫影平連  
雪山曉寺門遙俯岷江秋藤蘿歲月留紺相城  
郭分明見益州夜半諸天繞鐘磬風泉清和響  
颼颼

觀光臺對月

峨嵋山月上明鏡共團圓  
臺迥看逾滿光清不耐寒  
三天空界色定水靜中觀  
真覺依晶域無心咏玉盤

捨身崖

求道緣深事捨身懸崖不見碧  
嶙峋誰將風雨梁山意說與西方  
飼虎人

龍池

碧潭千尺鎖風雷絕頂高峯一  
鏡開聞道遠公敲磬處夜深長  
為聽經來



優曇花

眉山初識優曇鉢誰喻禪心特地栽  
鬢閣華樓千焰吐珊林檀海一枝來  
不勞天女殷勤散疑待仙人頃刻開  
還向波提問希有吟殘貝葉繞蒼苔

萬年寺二首

鷲嶺三天外震林覺地賒雲樓搖法鏡  
香樹積空花出世聽金偈觀心誦玉耶  
下方看欲徧擾擾萬恒沙

二

五月峨眉雪新後寺裏看青天欄檻近赤日石  
林寒屋響飛泉落僧歸午磬殘那尋思邈隱靈  
契共盤桓

贈一如上人

金甌銀函共一牀草香松靜贊公房軍持每貯  
溪痕綠麈尾閒揮海鏡涼坐向空山拋劫影分  
來諸佛共燈光禪心不怕春風亂自在飛花作  
道場

三蘇祠

峨眉山下三蘇寺山月當年照讀書名字永垂  
元祐浚文章曾說治平初宅迷玉局雙橋踞齋  
近維摩十笏居歆問華嚴觀法界天風無際夜  
牕虛

雨後發眉州值水勢方漲有作

久暗峨眉雨新晴翠滿江盤渦沙岬失漂浪石  
犀降天遠吞平野雲翻下急瀧白鷗乘溜穩片  
片近船牕

山村同費四奕士小飲

石橋逢駐馬茅屋見炊梁  
野果山村熟新菡水  
店香沙頭斑竹暗溪外  
鷓鴣涼風景饒幽思從  
教醉不妨

竹鷄

林中滑滑呌春泥林外行人聽  
竹雞絕似江南  
烟雨裏滿山無數郭公啼

小雨

小雨灑復歇微雲淡更明  
飛來巫峽近時帶蜀

江清潤拂餘花落涼分短葛輕夕陽如有意還  
放遠峯晴

感花蕊夫人事偶題

一夕降王逐戰塵蛾眉垂淚獨傷神  
婦朝更擅三千寵解甲空羞十萬人  
馬上詩成花草恨宮中詞好綺羅新  
持丸公子虛惆悵夢斷金牀隔世春

相如宅

宅閭闔經在人尋歲月深鷄裘東市酒  
秋雨茂

陵琴四壁苔空滿都亭夢已沉獨餘封禪作天子是知音

中秋對月

秋色平分處高樓玉笛過涼風生蜀道佳夕滿金波桂樹看逾直菱花奈曉何水晶簾影下應照不眠多

苦雨行

江風颯颯江雨長曉雲暮雲連蜀峽江魚乘漲跳撥刺石燕不住高飛翔烟沉黃菜濕茆屋雄

鷄過午啼上墻何時后土得乾意使我爽臆輕  
衣裳

草堂同黃石濤賦

藥欄水檻故依然橘刺藤梢尚眼前醉後不知  
人換世詩成空想霍歸年烏皮隱几悲寒食白  
恰龍頭乞酒錢悵望江村倚修竹柴門朝鎖一  
溪烟

醉中贈陳璣先

得意傳靈錄尋師飲上池復憐詩句好兼與散

人空相見秋同醉  
論交舊有期  
宵分翦殘燭  
歌罷興離披

江上送孝時瞻萊兄歸漂陽

秋老空江夜  
扁舟獨送行  
遠遊巴蜀地  
分手弟兄情  
故國鱸魚美  
霜天橘柚晴  
到家逢臘日  
鄰里正懽欣

雪中獨酌

閉門逢朔雪  
獨坐對寒天  
不理披裘釣  
誰迴訪戴船  
爐深時畫箸  
風勁慣欺綿  
賴得微醺後  
衣



安共晝眠

除夕

除夕今朝是衙音夜鼓聞更銷吳地雪遙變蜀  
江雲春逼柵花發年隨燭影分無眠聽謠吹城  
郭已紛紛

上元竹枝詞十首

處處朱樓隔水邨家家金管望江門蜀王城畔  
春偏早千樹梅花送上元

二

上元燈火豔芙蓉為照  
羣腰隊隊紅街頭相見  
還相問月色今朝定不同

三

明月天邊解有情  
行人堤上踏歌聲  
無邊錦水生雲浪  
願得春燈夜夜明

四

春燈含笑復含輝  
火樹銀花合綺圍  
盡教爛熳成顏色  
便是文君織錦機

五

文君織錦濯江波朝日當鑪點翠蛾借問他年  
上元夜何人偏數酒錢多

六

酒錢持買紅銀鱗美賽雲安麴米春誰向良宵  
能不醉月華如畫少城闌

七

少城高比越王樓樓上游人唱石州一齊回首  
看燈樹無數紅紗翦石榴

八

紅紗萬點罩春星影入春江  
螢水螢夜半鴛鴦  
未成睡照他雙守在雕屏

九

雕屏人駕玳檐來年少爭停  
白鼻騮玉魄燈光  
兩相映路傍偷拾九雛釵

十

釵叢人面對嬋娟燈樹香依  
桂樹圓年季燈市  
連花市妬殺春風蜀國絃

送陸高干之重慶幕二首

參佐橋西陸士龍今朝走馬向巴東紅蓮綠水  
無端麗莫對西山傲府公

二

吁幘遙知啖白羊披襟仍許據胡床百函俄頃  
從誰發書記端須屬孔璋

成都曉發

出蜀從今日天邊惜久留白沙殘月曉春樹早  
鶯愁關勢葭萌直江聲漢水流醉眠金雁驛何  
限憶佳游

朝天闕

爲道千盤上關門一扇開  
居人巢燕雀蜂蝶鎖  
崔嵬天入興元迥雲連大散迴  
時聞風落石澗  
底響如雷

早行聞鶯

鮮家經歲復經春  
長如青袍艸色新  
自是黃鸝  
太無賴巧從花底喚行人

黃泥舖阻雪

分明前日路仍見雪霏霏  
牛目驚平野鳬毛怯

點衣人圍山店火花暗酒家旂歸去吾方劇那  
教意不違

雪中射雉

已憐春隴雉斑斑煙草嬌媒隔曉樊凍合山梁  
飛乍起寒封篁竹鬪初翻尾花嘶羽當風墜翎  
錦攢霞帶雪縈聊與安仁更成賦如皋那取笑  
嬋媛

灞橋

灞橋曾是銷魂地今日偏憐灞上過無數行人

無數柳一分春色一分波飛霞殘照新圖畫細  
雨高樓舊怨歌詩句枉題情盡處年年爭奈有  
情何

徐溝晚興

驅馬興悠悠風光淡不收晚晴臨大道古縣入  
徐溝波井銀釵女生烟盡角樓牛羊應鳴笛點  
點下林邱

太原懷古四首

誰將桐葉換枰聊參虎仍臨睥睨高不改殘山



亂雲日無情流水咽汾洮書沉竹節驚秋雁臺  
鎖蛾眉笑野桃橋畔至今憐國士蕭蕭風色冷  
于刀

二

險當天下曾稱脊勢以關中亦建瓴此日才難  
得廉頗後時人解說馮亭論交每恨無虞相生  
子何因似武靈舊事茫茫對寒食思烟臺下草  
痕青

三

一聲清嘯兩迷茫漫指并州是故鄉  
花落鳥啼離石尉劍沈雲散管涔王  
咿鳴野日生殘角淺淡微波照女牆  
惟有東門舊時路馬鞭長送俠游郎

四

千峰衮衮合層圍天入雲中大野低  
晉水似聞龍乍起戰場還憶馬頻嘶  
風香別殿憐吹管露洗荒宮失鬪雞  
寥落雄圖倩誰說琵琶聲裏太淒淒

晉祠

棟宇何年造荒碑舊日畱苔扉春自澁玉水碧  
仍流深樹東風急停鞭過客游前朝陵谷異誰  
復記春秋

答莊千里問峨眉

因君消息問峨眉曾向高峯頂上來螺子天邊  
浮翠暈蓮花雲外抱香臺雪和山月中宵曙籟  
引風泉萬壑迴赤日炎氛應不到竄清涼地勝  
蓬萊

韓信墓

滅項曾傳百戰功千秋遺恨未央宮殺身虛道  
緣蕭相垂死徒教憶蒯通枕畔烏啼愁落日嶺  
頭雲起結悲風英雄盡有弓藏懼幾見山河誓  
始終